



9 SEPTEMBER 2018

09:00 Erediens – Kanseruiling

Willem Nicol Stellastraat Gemeente

09:00 Kategese Gr1 – 6 (begin in die kerk)

09:00 Kleuterkerk

Almal welkom!



18:00 Aanddiens en Pelgrimsgroepe (Snr. Kategese)

Fay van Eeden

Preekreeks: *Die lewe is...*

19:00 Belydenisklas – Kapel

Kursus #3: *Spiritualiteit van die lewe* (Grootgroep)

16 SEPTEMBER 2018

09:00 Kunste-erediens

Immanuel van Tonder

Die lewe is kuns. . .

09:00 Kategese Gr1 – 6 (begin in die kerk)

09:00 Kleuterkerk

Almal welkom!



18:00 Aanddiens en Pelgrimsgroepe (Snr. Kategese)

Jeanri Bezuidenhout

Preekreeks: *Die lewe is...*

19:00 Belydenisklas – Saal

Mentorskap (Grootgroep)

Lentekuier – kom vier die lewe!

Kom kuier lekker saam op Woensdag 12 September om 18:45 vir 19:00 in die kerksaal. Kom luister na Musica Vivendi. "New Beginning" en die Babamuur. Ligte verversings R100pp. 'n Baba is 'n geskenk, "New Beginning" gee babas wat in asblikke, en in agterstrate gevind word, 'n kans op lewe, 'n nuwe begin. Bring asseblief baba-benodigdhede saam. Kaartjies beskikbaar by die Info-toonbank of kerkkantoor.

Ons beplan 'n kunste-erediens op 16 September om 09:00, waarin **die kunste** tydens en na die diens ten toon gestel gaan word. Indien jy enige vorm van visuele kuns, poësie/gedigte, ens. na die oggenddiens kan bring, kontak asseblief vir Immanuel van Tonder by 083 540 6015 of e-pos immanuelvt@gmail.com. Almal se meelewing word byvoorbaat waardeer!



Benodig jy besoek van 'n predikant of weet jy van iemand wat besoek benodig?
Skakel asseblief die kerkkantoor.

Die week se kalenderaktiwiteite

Dinsdag:	Bybelstudie 08:30 (Kapel) – Eric Scholtz Tabita Naaldwerkklasse 14:00 (Kerksaal) – Selma du Preez 082 448 6413. Gemeentevroue Groep 4 09:30. Nuwe Generasie Bybelskool 19:00 (Sjêk) – Jakkie Strachan 084 547 1660. Bybelstudie 19:15 (Koinonia) – Evelyn Jordaan.
Woensdag:	Lente-Kuieraand 18:30 (Saal). "Young couples"-omgeegroep 19:00 – Fay van Eeden 083 478 0854.
Donderdag:	Bybelstudie 09:30 (Lynnwood Oord). Kleingroep vir Mammass met babas en kleuters 09:30 (Sjêk) – Liesel Strasheim 082 344 4323 of Fay van Eeden 083 478 0854. Tabita Naaldwerkklasse 14:00 (Kerksaal) – Selma du Preez 082 448 6413. Jong Volwasse Bybelstudie (Sjêk) – Fay van Eeden 083 478 0854.
Vrydag:	Bybelstudie 08:00 (Kapel) – Eric Scholtz Gebedsgroep 09:30 (B5). Kontak: Hanthi Jacobs 012 361 9058 / 083 293 0263 of Peet Crous 012 348 4004 / 079 893 5572 met gebedsversoeke.



* Baie dankie aan almal wat deelgeneem het aan die gespreksgeleentede vir die predikante se jaarbeplanning – jou meelewing word opreg waardeer.

* Baie dankie aan al die jongmense wat bygedra het tot die sukses van die **Welwillendheidssondag**-nie-bederfbare-projek!

Baie welkom aan alle besoekers en nuwe intrekkers. Ontmoet gerus die predikant na die oggenddiens by die liturgiese ruimte. Skryf asseblief ook u naam in die boek in die portaal of skakel die kerkkantoor. Ons wil u graag verwelkom. Besoek ook gerus die Info-toonbank na die diens vir enige navrae.

Lente = skoonmaaktyd! Bring gerus jou ou klere en merk die sak "springcleaning". Die klere sal aan minder-bevoorregtes geskenk word.

Oorweeg asseblief biddend 'n dankoffer d.m.v. een van die volgende wyses: koevert, aftrek- of debietorder of elektroniese oorplasing.

Bankbesonderhede:

NG Lynnwood, ABSA Takkode: 632005,
Tjekrekening nr. 540 580 014 (gebruik asseblief u Voorletters en Van as verwysing) en e-pos bewys van betaling aan

finansies@nglynnwood.co.za



Snap here to pay

Kontak van die week: Wat sal die mense sê?

'n Kostelike strokiesprent van 'n paar jaar gelede wys twee meisies wat by 'n tafeltjie in 'n plek soos Wimpy sit en melkskommels drink. Hulle lewer kommentaar op elke mens wat die plek instap: *Kyk haar hare.... Sies, hy is lelik.* En so voorts en so aan. Toe hulle klaar is en moet uitstap sê die een meisie vir die ander een: *Ek voel te skaam om hier voor almal uit te stap. Netnou skinder hulle van ons.*

Wat sal die mense sê?

Mens is nou eenmaal gevoelig vir die opinie van ander mense en dit vat so 'n rukkie en heelwat wysheid en volwassenheid om oor hierdie soort sensitiwiteit te kom. Die Bybelboek Samuel illustreer dit deur Israel se eerste twee konings, Saul en Dawid, met mekaar te kontrasteer en daarop te wys dat dit een van die groot verskille tussen hulle was.

Saul was uiters gevoelig vir die opinie van mense. Toe die profeet Samuel vir hom sê dat die Here Hom van Saul onttrek, gryp Saul Samuel se jas en soebat hom om hom tog *voor die leiers van die volk en voor Israel te eer.* Hulle moet tog nie agterkom dat die Here hom verlaat het nie.

Wat sal die mense sê?

Saul se dogter deel hierdie eienskap met haar pa. Toe Dawid die ark van die Here na Jerusalem bring, het hy saam met sy mense jubelend voor die ark uitgedans. Saul se dogter, en Dawid se vrou, Mikal, het in haar venster op 'n afstand bly kyk toe die ark Jerusalem inkom, maar onder op die straat het Dawid en sy mense met mening gedans. Toe Dawid huiswaarts keer het Mikal hom sarkasties gegroet met iets soos: *Jy is 'n mooi koning. Kry jy nie skaam om so voor die vrouens van jou volgelinge te dans nie? 'n Koning tree altyd waardig voor sy volk op.*

Wat sal die mense sê?

Dawid, die man na God se hart, was anders. In die verhaal wat vertel hoedat Dawid die ark gaan haal en voor dit uitgedans het, staan daar herhaaldelik dat Dawid voor *die Aangesig van die Here* gedans het. Wat hy doen is nie vir die oë van mense nie, maar vir die Aangesig van die Here. Toe sy vrou hom uittrap, antwoord Dawid haar: *Voor die Aangesig van die Here wat my verkies het as heerser oor Israel, die volk van die Here, ja, voor die Aangesig van die Here sal ek dans.*

Wat sê Dawid vir haar? Dit is die Here se volk, nie myne nie. Voor Hóm sal ek dans. Dit gaan nie om wat die mense sê nie, Mikal, dit gaan om God.

Martin Luther se spreukwoord was *Coram Deo*, ons lewe speel voor die Aangesig van God af. Luther het dit seker by Dawid geleer.

Soms skaam ek my vir myself. Ander kere kry ek skaam vir mense met wie ek op een of ander wyse geassosieer is. Dan wil ek vra: Wat dink die mense van my, van óns as Christene, van óns kerk, van óns Afrikaners? Maar miskien moet mens dan eerder vra:

Wat sal die Here sê?

Groete

Johan Jooste

(namens die Predikantespan)

Naam _____

Selfoonnommer _____ Landlyn nommer _____

E-posadres _____

Kort beskrywing van Gawe

Terme en Voorwaardes van gawe (bv. X2 mense per week, Maandae)

Handtekening _____

Datum _____

*** Handig asseblief in by die info-toonbank, kerkkantoor of in die mandjie in die portaal.

*** Skakel 065 383 7292 of stuur gerus ook per epos aan helplift@nglynnwood.co.za.



Eiendom (5 Slaapkamer) in Willow Haven Aftree-oord te koop. Belangstellendes kan vir Karien Opperman by 083 650 6433 vir meer inligting kontak. (Sien ook die kennisgewingbord).

Wiskunde Ekstra klasse Gr 7 - 9: Intermediêre fase, ter voorbereiding vir Senior Fase. Kontak Liesel Ferreira 082 214 9668 of e-pos lieselferreira@gmail.com (meer inligting op die kennisgewingbord).


Kennisgewingborde: Indien u 'n kennisgewing op die borde wil plaas, bring dit asseblief na die kerkkantoor of Info-toonbank – baie dankie vir u samewerking in dié verband.

Motorwagdonasies: Houers in die portaal beskikbaar – dankie vir u ondersteuning.

Byderhand: Kragonderbrekings: 012 339 9111 (080 111 1556 tolvry) of SMS "power" gevolg deur jou rekeningnommer na 082 612 0333. Straatligprobleme: 080 111 1556 of e-pos customerarep@tshwane.gov.za. Slaggate en/of robotte uit: e-pos customerare@tshwane.gov.za. Water probleme: 012 358 2111 of 012 327 0147 of e-pos customerare@tshwane.gov.za. Watermeterlesings (deurgee) – rooster vir 2018 beskikbaar by www.tshwane.gov.

Kontak ons: 012 348 1245, kerkkantoor@nglynnwood.co.za. Web: www.nglynnwood.co.za

Ma – Do 07:30 – 13:00 en Vry tot 12:00. Koster: Juan Ferreira 084 588 4948. Kombuis: Maretha Brits 073 267 7019.

Kom  ons en gesels saam op Facebook by Lynnwood Gemeente,
Nuwe Generasie (@nuwegenerasielynnwood) of Musiek at Lynnwood Gemeente.